

هل لي من توبة ..؟ - وقفات مع حديث قاتل مئة - شريف علي

شريف علي

بسم الله والحمد لله والصلوة والسلام على رسول الله صلى الله عليه وسلم اتكلم عن قصة من اجمل قصص التوبة تخيل النبي عليه الصلاة والسلام قاعد في يوم مع الصحابة - 00:00:00

فيبحكي لهم قصة توبة قصة عمل ايه؟ واحد سرق واحد آآآ ما كنش بيغض بصره؟ لا لا. قصة توبة واحد قتل ومش قاتل واحد بس قتل تسعة وتسعين نفس - 00:00:22

النبي عليه الصلاة والسلام يقول حديث في صحيح مسلم كان فيمن كان قبلكم رجل قتل تسعة وتسعين نفسا فسأل عن اعلم اهل الارض فدل على راهب فقال انه قتل تسعة وتسعين نفسا - 00:00:41

فهل له من توبة فقال لا فقاتله فكمel به مائة ثم سأله عن اعلم اهل الارض فدل على رجل عالم فقال هل له من توبة قال نعم ومن يحول بينك وبين التوبة؟ ولكن - 00:01:02

اترك ارضك فانها ارض سوء وانطلق الى ارض كذا فان بها اناس يعبدون الله تعالى فاعبد الله معهم فانطلق حتى اذا نصف الطريق اتاه الموت فاختصمت فيه ملائكة الرحمة وملائكة العذاب - 00:01:22

فقالت ملائكة الرحمة لقد جاء تائبا مقبلا بقلبه الى الله وقالت ملائكة العذاب انه لم يعمل خيرا قط فجعل الله بينهم حكما فقال قيسوا ما بين الارضين فالى ايتها كانا ادنى فهو من اهلها - 00:01:43

تقاسوا فوجدوه ادنى الى الارض الصالحة بشبر فقبضته ملائكة الرحمة فغفر له روایات الحدیس بقى تقف كده مع كلمات في الروایات حاجة كل كلمة كده النبي عليه الصلاة والسلام يقولها تخرج منها بفواید كثيرة جدا - 00:02:06

نبدأ كده الحديث واحدة واحدة مع مختلف الروایات في رواية تانية النبي عليه الصلاة والسلام يقول كان فيمن كان قبلكم رجل قتل تسعة وتسعين نفس فعرضت له التوبة وفي رواية فعرضت له التوبة - 00:02:25

عايز اتخيل واحد قتل تسعة وتسعين بني ادم عرضت له التوبة يعني ايه يعني حس ان هو عايز يتوب عارف انت الشاة عمل زنب صغير ده قتل تسعة وتسعين بني ادم - 00:02:41

عمل كبيرة من اعظم الكبار حس ان هو عايز يتوب عرضت له التوبة. ايه اللي خلاه عايز يتوب احساس الخنقة والدقيق بتاع البعد عن ربنا سبحانه وتعالى كل شوية حاسس ان في حاجة غلط - 00:03:00

حاسس ان انا انا حاسس ان انا مخنوقي تحس ان انا عايز اتغير يقول لك فعرضت له التوبة رأى انه يحب ان يتوب فسأل في رواية تانية يقول لك فعرضت له التوبة - 00:03:21

عرضت يعني حد عرض عليه التوبة مين اللي عرض عليه التوبة الله سبحانه وتعالى عارف انت لما شوف واحد بعيد شوية فتيأس ان ده يقرب من ربنا سبحانه وتعالى عمرك ما تتخيل ان ده لو كل الناس اهتدت ده عمره ما يهتدى. من القصص الجميلة لسيدنا عمر قبل - 00:03:39

قبل الاسلام قبل ما يسلم وكان شديد على المسلمين في يوم من الايام واحدة من المسلمات مهاجرة هتها جر اسمها ام عبدالله فقابلها سيدنا عمر فقال الى اين قالت وهي المفروض تبقى خايفه منه - 00:04:02

افر بيديني منكم. انا رايح اهرب بيديني قال صاحبكم الله قال لها ربنا معك فالست لما شافت كده في وجه سيدنا عمر فيه رقة كده فحسست ان هو ايه؟ ده شكله كده هيسلم - 00:04:21

في رقة كده في كلامه وفي وشه شكله كده هيسلم فلما رجعت بتحكي الكلام اللي حصل ده لجوزها. قالت له والله ده ده انا اتكلمت مع عمر وقال لي ايه؟ ربنا معك. صحبكم الله - 00:04:41

فقال جوزها بقى بيقول لها اتطمعين ان يسلم عمر؟ والله لو اسلم حمار الخطاب ما امن عمر وما اسلم عمر ان ده مستبعد جدا ان عمر بن الخطاب في يوم من الايام يبقى مسلم - 00:04:55

فربنا سبحانه وتعالى يعرض على انسان قتل تسعه وتسعين نفس التوبة يحب له التوبة احيانا وانت بعيد معرض عن ربنا سبحانه وتعالى ومع ذلك ربنا يحب لك التوبة يقول لك فعرضت له التوبة - 00:05:12

ربنا سبحانه وتعالى يقول في سورة توبه ثم تاب عليهم ليتوبوا والله يريد ان يتوب عليكم ان ربنا هو اللي يحب لك التوبة هو اللي يفتح لك باب التوبة هو اللي يبعث لك رسائل عشان تتوب - 00:05:33

عشان هو سبحانه وتعالى يريد ان يتوب عليكم وهو يحب ان انت تتوب. هو يفرح بتوبتك يقول لك فعرضت له التوبة. طب الرجال ده لما ربنا حابب له التوبة عمل ايه - 00:05:48

فسائل عن اعلم اهل الموت تقف واقفة كده مع كلمة فسأل يقول لك ثم عرضت له التوبة فسائل الفاء دي ايه؟ فاء السرعة ان ده كان فيه استجابة سريعة ان اول لما حس - 00:06:01

ان هو عايز يتوب لما حس ان في حاجة انا عايز تغير. حاجة من جواه كده اتغيرت فسائل استجابة اتحرك ان انت احيانا بتجي لك رسالة واتنين وتلاتة وتحس ان انت عايز تغير - 00:06:17

تحس ان انت عايز تتوب بس متأخر متتأجل الرجال ده في حاجة والله مختلفة جدا يا جماعة. الرجال ده عنده صدق غير عادي عنده استجابة غير عادية واحد مخنوق من اللي هو كان عايش عليه - 00:06:33

فعرضت له التوبة فسائل عن اعلم اهل الارض قال لهم يا جماعة انا عايز اتوب اتوب عند مين؟ عايز اتوب عند اعلم اهل الارض فدل على راهب عابد الناس قال له ايه؟ والله في واحد ايه شيخ كده قاعد بيعبد ربنا رح رب عنده ورح اسئلته - 00:06:48

فراح له قال له يا شيخ انا عايز اتوب قال له ماشي. قال له بس انت مش فاهم يا شيخ. انت مش عارف انا عملت ايه قال قتلت تسعه وتسعين نفس - 00:07:10

الراهب ده يا جماعة كان علمه قليل رد في منتهي الغباء قال بعد تسعه وتسعين نفس هو في روایة قال له لا قال له انت ما لكش توبه في روایة تانية قال بعد تسعه وتسعين نفس قال له انت عايز تتوب بعد تسعه وتسعين نفس - 00:07:22

فالرجل يقول لك في روایة من الروایات فانتضي سيفه فقتله فكمel به مائة او فاكمel به مائة متخيل واحد جاي لك قتل تسعه وتسعين بنبي ادم. يعني ده لو مسلا عايش ستين سنة فهو ايه في السنة مسلا بيقتله اتنين ثلاثة اربعه ما عندوش اي مشاكل خالص - 00:07:43

واحد القتل بالنسبة له حاجة عادية جدا ومش بيقتل بس هو اللي بيقتل تسعه وتسعين نفس ده يعني طبيعي جدا تلاقيه بيشرب خمر بيذني هو ما عندوش اي مشاكل ان هو يسرق ويذني ويشرب ده بيقتل - 00:08:01

يعني القلب اللي متعود على الاكل ده حاجة بقت بالنسبة له عادية. تسعه وتسعين بنبي ادم. فجاي لك بيقول لك انا عايز اتوب حتى لو انت بعلمك القليل شايف ان هو ما لوش توبه - 00:08:14

ما ينفعش تقول له في وشه كده احيانا تروح تسأل واحد فيقف في وشك الباب هي اسف من رحمة ربنا سبحانه وتعالى قالت لا لا انت ما لكش توبه زي حديس النبي عليه الصلاة والسلام - 00:08:27

كان اتنين آآاصحاب منهم اخوه بيحبوا بعض فواحد فيهم طائع والثاني ايه مقيم على المعصية عاصي فكل شوية الرجال طائع ده آآكل ما يقابل صاحبه العاصي يقول له ايه يا عم انتهي - 00:08:42

اقصر يقول له بطل يا عم اللي انت بتعمله ده توب فالرجل الثاني يقول له يا عم ابعثت علي رقيبا هو ربنا بعثك علي رقيب؟ ما تسيبني يا عم خلي بيني وبين ربى سبني يا عم في حالى ما لكش دعوة به - 00:09:04

فالراجل يقابله تاني يلاقيه بيعمل معصية يقول له توب اقصر فيقول له ابو عزة علي رقبيا يقول له يا عم ما لكش دعوة بيا سيبني انا
ببني وبين ربنا لحد ما جه في يوم الراجل ده لقاهم على معصية كبيرة فاستعظم المعصية - 00:09:18

فقال له كلمة قال والله لا يغفر الله لك قال لها لأ انت ربنا مش هيغفر لك فربنا سبحانه وتعالى قبض الاثنين قال من الذي
يتأنى علي - 00:09:35

يتأنى علي يعني مين اللي بيحلف علي ده من الذي يتأنى عليه غفرت له واحببت عملك ازاي ان انت تسمح لنفسك ان انت تقول فلان
ده لأ فلان ده ربنا مش هيغفر له. وفلان ده ربنا يتوب عليه. لأ مش بتاعتك - 00:09:58

لو واحد جه قال لك انا لي توبة انت تقول له ربنا سبحانه وتعالى يقبلك لو بتت توبة نصوح لو بتت وحققت شروط التوبة ربنا هيقبلك
لكن واحد يجي لك تقبل في وشه الباب - 00:10:14

ده من قلة العلم فالراهب ده عمل غلطتين. اول غلطه ان هو جاهم عنده جهل والناس بتتخدع بكثرة العبادة لما شافوه قاعد بيصللي
ومش عارف ايه وبتاع ظنوا ان هو عالم - 00:10:26

قالوا له هو بيسأل عن اعلم اهل الارض قالوا له رح للراهب فراح فقال له ما لكش توبة الغلط الثاني ان حتى لو انت كنت شايف ان هو
ما لوش توبة - 00:10:40

ما ينفعش واحد قتل تسعة وتسعينبني ادم ما عندوش اي مشكلة ان هو يكملمهم مية. لما يجي يقول لك انا عايز اتوب لو انت شايف
ان هو ما لوش توبة يعني ما تقولهالوش في وشه كده - 00:10:51

حتى ما تجاوبش اجابة مستفزه قال له بعد تسعة وتسعين نفس قال له انت عايز تتوب بعد استحسن النفس رواية قال له لأ والرواية
قال له انت عايز تتوب بعد تسعة وتسعين نفس. طبعا ما لكش توبة. اطلع برة. الراجل اتخض من انت عايز تتوب بعد تسعة وتسعين
نفس - 00:11:01

يقول لك فانتضي سيفه فقتله فكمel به المئة فالراجل ده راح ضحية لسانه وجهره انت قل له طب عدي علي بكرة. طب
هسأل واشوف طب بقول لك رح لفلان. وتهرب اعمل اي حاجة - 00:11:20

فيبيقول لك في الحديث النبي عليه الصلاة والسلام يقول ثم عرضت له التوبة والله انت تقف مع الوقفة دي الراجل ده يا جماعة كان
رايح يسوق من ايه من القتل - 00:11:36

رايح يتوب من القتل وهو رايح يتوب من القتل عمل ايه قتل ان انت لما بتتوب من الزنب وخدت بالأسباب وخلاص انا هبطل الزنب
ده احيانا وانت رايح تتوب من الزنب ده تقع في نفس الزنب - 00:11:52

طب ايه المشكلة؟ لأ الشيطان مش هيسييك الشيطان هيجي لك يقول لك شف انت جربت انت منافق انت ما فيش فايدة فيك
فتخييل صاحبنا ده اللي قتل تسعة وتسعينبني ادم وهو رايح وبعد ما قال له لأ - 00:12:09

الشيطان جا له قال له يا عم سيبك من الكلام ده انت ما لكش توبة والراجل قال لك فخلاص انت تروح الخنقة برجليك استمر في اللي
انت فيه انت كده خلاص يعني حاسس خلاص ما فيش توبة. انا كده كده من اهل النار فخلاص - 00:12:29

كده كده خربانة فيستمر بقى في اللي هو مشي فيه فتخيل لو فعل ما فيش توبة تخيل ربنا سبحانه وتعالى ما سماش نفسه التواب
تخيل لو ربنا سبحانه وتعالى ما قلش في القرآن وهو الذي - 00:12:44

يقبل التوبة عن عباده ويعرفو عن السينات تخيل لو ما فيش توبة الراجل ده الدنيا قفلت وشه الشيطان يجي لك خلاص المنافق عايزك
تتخيل ان الراجل ده ربنا سبحانه وتعالى - 00:13:02

يحبب له التوبة تاني يقول لك ثم عرضت له التوبة تاني بعد ما راح مرة وفشل تاني عايز يتوب فايدة من الحديث ده اياك تيأس
مهما عملت مهما عملت اياك تيأس - 00:13:20

ه تكون عملت ايه اكتر من الراجل ده؟ هو النبي عليه الصلاة والسلام بيحكي قصة الصحابة دي عشان تتعلم ما تيأسش حتى لو انا
رايح اتوب من الزنب وقعت فيه قم تاني. ما تيأسش - 00:13:45

ثم عرضت له التوبة حس ان هو عايز توب. يا جماعة انا لسة عايز اتوب عرضت له التوبة تاني ما قالش بقى خلاص. فسأل فالسرعة
برضو سرعة الاستجابة تاني. فسأل عن اعلم اهل الارض. فدل على رجل عالم - 00:13:58

راح بقى لواحد عالم بجد فقال انه قتل مائة نفس عايزك تخيل احساس الرجال ده وهو رايح الرجال ده فعلا يا جماعة عايز يتوب
عايز يتخير هو صادق هو جواه صدق غير عادي - 00:14:16

رايح العالم وهو خايف ومرعوب ان العالم ده يقول له لأ ما لكش توبة. ان العالم ده هو باب الامل الوحيد رايح وكله امل ان اخيرا في
باب بس ممكن ارجع منه لربنا سبحانه وتعالى - 00:14:35

ان شباب كتير بيقى هو انا ممكن بعد كل اللي انا عملته ده ربنا يقبلني ده انا شربت وزنيت وعملت وعملت لانه وقع في كبار انا اصلا
مسوف اقولها. هو ممكن ربنا يقبلني بعد كل اللي انا عملته ده - 00:14:49

الراجل ده رايح وهو في قمة اليأس. بس حاسس ان جواه امل هو ممكن ربنا يقبلني لو العالم ده قال لي ان ينفع وخلاص انا مستعد
اعمل اي حاجة عشان اتوب - 00:15:04

فرح للعالم فقال انه قتل مائة نفس. قال له انا قتلت مية نفس هل لي من توبة هل لي من توبة السؤال هو انا ينفع اتوب فقال نعم
العالم ده - 00:15:17

قمة في الزكاء والحكمة رد رقم في الحكمة قال نعم ومن يحول بينك وبين التوبة ولكن اترك ارضك فانها ارض سوء واذهب الى
ارض كذا فان بها اناس يعبدون الله تعالى - 00:15:35

فاعبد الله معه لما فكر كده اجاية السؤال ده ايه؟ واحد بيقول لك هل لي من توبة اجاية السؤال ايه نعم كده هو جاوب اه اجاوب بس
العالم ده حكيم - 00:15:55

العالم ده شاف وش اللي قدامه هو يحتاج ايه شاف وشه ان هو ان في حد يبأسه ان في حد قنطه قال نعم ومن يحول بينك وبين
التوبة؟ هو مين اللي يمنعك عن التوبة؟ وانت اسأل نفسك سؤال - 00:16:11

ومن يحول بينك وبين التوبة ايه اللي يمنعك ان انت تتوبي ايه اللي يمنعك ان انت تتغير ايه اللي يمنعك ان انت تحجبي من يحول
بينك وبين التوبة ايه اللي يمنعك يا اللي ما بتصليش انك تصلي؟ ايه اللي يمنعك - 00:16:28

من يحول حب الدنيا صحابي من يحول بينك وبين التوبة؟ ايه اللي يمنعك عن الله سبحانه وتعالى؟ ايه اللي يمنعك؟ ولكن الشرط
بقى اترك ارضك وده الجواب الحكيم بتاع العالم - 00:16:45

ان انت واحد جاي بيسألك سؤال انت كان ممكن تقول له ايه خلاص نعم وتسكت وهو بعدها يروح ايه؟ يخبط بقى وواحد قتل ميت
نفس مش عارف يعمل ايه هيمشي ازاي طب يا عم عرفني الطريق منين - 00:17:07

قال ولكن ده له نصيحة واحدة بس اجاية واحدة بس ما قلوش روح صلي ما قلوش روح تعبد ما قلوش تعال اقعد معي هنا في
الصومعة. قال له اترك ارضك - 00:17:22

فانها ارض سوء وانطلق الى ارض كذا فان بها اناس يعبدون الله تعالى فاعبد الله معهم ركز بس في الاجابة قال له اترك عشان تتوب
لازم تفهم اترك اترك وانطلق - 00:17:33

الكلمتين دول لازم تحطهم كده في دماغك. اترك وانطلق اترك ارضك قال له لازم تسيب عشان تتوب لازم تبعد عن الحاجة دي عشان
تتوب لازم تبعد عن البيئة اللي بتخليك تقع في الزنب - 00:17:53

تقول لي اصل انا هاتوب وهفضل مستمر في اللي انا فيه لا لا مش هتقدر تكمel اترك ارضك فانها ارض سوء وانطلق الى ارض كذا.
فان بها اناس يعبدون الله تعالى فاعبد الله معهم. قال له رح البلد اللي هناك دي فيها بيئه ايمان. فيها - 00:18:09

ناس بتبعبد ربنا سبحانه وتعالى فيها صحبة صالحة فيها بيئه صالحة. قال له رح في وسطهم وانت تبقى كوييس خد بالك من كلمة
انطلق قال له انطلق الى ارض كذا - 00:18:27

ورح اعبد ربنا مع الناس دي. قال له اقعد في وسطهم بس مجرد ما انت هتغير الصحبة بتاعتكم مجرد ما هتغير البيئة بتاعتكم هتلباقي

نفسك بيتغير تلاقي نفسك مضايير صحبة - 00:18:40

من فواید الحدیس ده ان انت تفهم اهمیة بیت الایمان. العالم ده نصحه نصیحة واحدة بس. قال له سبب البیئة بتاعتک طب لیه قال له کده عایزک تتخیل الراجل ده دلوقتی سخن وایمانه ایه عالی وانا عایز اتوب ولازم اتفیر عارف انت ایه ساعات کده بتخن وتحس ان انت ایه - 00:18:53

خلاص لازم اتفیر ولازم اتوب وهبطل الزنوب دی وبعدين الایمان یزید وینقص شویة ایمانک هینزل وخد بالک ان فی ناس ایه اول لما هتشوفک ایه یا عم الشیخ هتفقول لهم انا رایح اصلی رایح تصلي فین یا ابني بس تعال اقعد - 00:19:12
ایه یا عم الشیخ قل لهم انا عایز ازبیط لبی واتحجب. علی فکرہ انت شکلک بقی وحش کده. انت شکلک بقی لیه بتعملی کده حتی امها تقول لها انت یا بنتی آآ - 00:19:27

اهتم بنفسک شویة. ضيقی اللبس شویة. عشان اه انت کده مش مش تتجوزی اصحابه هیتریقوا علیها وصاحبه یتریق علیه لیه ؟ عشان عایز یتوب عشان عایز یتغیر فمجرد ما هتفکر قال له خد بالک اترک ارضک - 00:19:38
لان الراجل ده لو رجع ده راجل یا جماعة قاتل میة نفس یعنی فی وسط البلد اللي هو عایش فیها هو بالنسبة لهم ایه راجل مرعب راجل قتال قتلة فکل الناس بتخاف منه - 00:19:56

المجتمع اللي واحد یقتل فیه میت بني ادم ویسیبوه! ده مجتمع فاسد اصلا. فتخیل ان الراجل ده قاعد فی وسط البیئة دی وهو عایز یتوب. انا یا جماعة بطلت قتل. ما اقعدهش اقتل تانی. ومش هاشرب ولا انا خلاص انا تبت لربنا سبحانه وتعالی - 00:20:08
الناس اللي حوالیه یا عم انت عارف لو رحت البلد دی وسائلهم قلت لهم یا جماعة مین اخر واحد تتخیلوا ان هو یتوب؟ هیقولوا لك مین؟ الراجل ده الراجل اللي هناك ده - 00:20:26

فتخیل لما هو یرجع یقول لهم یا جماعة انا تبت. عارف انت اکتر واحد بایز فی الشلة لما یرجع یقول لهم یا جماعة انا تبت یا عم بس طب بس اهدی بس کده واقعد استهدي بالله یا نهار ازطلوا حجرين بس یا جماعة وهو یبقی کویس - 00:20:39
الناس هتوّقه یقول له فلان ده بیتكلم انت یا عم انت انت مالک کده انت بقیت ضعیف کده لیه؟ انت ما عدتش تقتل لیه ده فلان ده بیتكلم عليك بیسخنوا یعدي من المکان خد بالک هو الشوارع دی الشارع ده تحت الشجرة دی انا مقاٹل ثلاثة اربعة ده انا کنت متخانق هنا خناقة عامل مجرزة - 00:20:55

فاول لما یعدي بس من المکان یشوف المکان اللي هو کان عارف انت ایه الزنوب لیه کده له حنین یقول لك لما عملت زنوب فی مکان معین اول لما تروح المکان ده تحس ان انت ایه بتحن للزنوب. لما تشوّف الشخص اللي انت عملت معه الزنوب تحن للشخص. لما - 00:21:15

حتی لو سمعت مزیکا ولا الاغنية اللي کنت بتسمعها یحصل ترابط بین الوقت ده وبین الزنوب. فتشتاق للزنوب فمجرد ان الراجل ده یرجع للبیئة تانی هیمشی فی نفس الشوارع یشوف نفس الناس. الناس اصلا مش هتتعامل معه - 00:21:31
على طریقتہ الجدیدة. عارف انت صحابک اللي انت بعد لما تتوب بعد لما تتوب مهما مهما کنت صادق فی توبتك ومهما ما کنت عایز تغیر عمر نزرتهم لك ما هتبقی نفس النزرة اللي انت عایز الناس تبص لك بها - 00:21:49

برضو یهفضل شایفك فلان اللي هو بتاع البنات بتاع المخدرات ییحفظه. هو یفضل شایفك کده. وهیفضل یتعامل معک بنفس الطريقة فلما تنزل فی نفس الاماکن وفی نفس الاماکن اللي انت کنت بتعصی فیها فی وسط الناس اللي انت کنت بتعصی معهم - 00:22:07

وتقول لي انا هبکی کویس وانا جامد وھقدر لا اایاك تعمل کده هتففع لو انت دلوقتی قوي شویة وھتففع ھیوقدعوك ھیوقدعوك سیدنا موسی لما یرجع ولا لفرعون بعد لما کان فی مصر وقتل نفس - 00:22:21
ترامب بیقول له ایه؟ سیدنا موسی بیقول له انا رسول من رب العالمین فرعون بیقول له الم ن ربک فینا ولیدا؟ رسول مین؟ ده انا مریبک على ایدی. عارف انت لما ترجع لصحابک کده یقولوا لك ایه یا عم انت آآ انت هتعملهم علينا؟ بص انت تعمل الكلام ده على

الناس كلها - 00:22:38

بس دي جاية علي لأن أنا عارف انت على ايه الم نبك فينا وليدا ولبشت فينا من عمرك سنين ده أنا ده أنا مربيك على ايدي وفعلت فعلتك انت مش فاكر انت عملت ايه ويقعد صاحبك يفكرك بالذنب بتاعتكم - 00:22:52

فالعالم ده من حكمته قال للراجل قال له لأن ترك ارضك قال له انت دلوقتي سخن وعايز تتوّب. لو رجعت البلد دي تاني لو رجعت البلد دي تاني هيأسروا عليك - 00:23:06

لو رجعت البلد دي تاني هتقع اترك ارضك تهويid الحديس ده غير البيئة بتاعتكم لو انت عايز تستمر وعايز ترجع لربنا سبحانه وتعالى وغير بيئتك غير صحبتك ما فيهاش كلام - 00:23:19

والراجل ده يا جماعة العالم عشان تعرف ما قلوش حاجة عادي يعني انت احياناً يجي لك واحد اه مصاحب مسلا او واحد مسلا بيترج على افلام اباحية او واحد بيعمل اي زنب مقيم على الزنب ده - 00:23:35

وتقول له لا يا عم آآ الكلام ده ما يرضي رينا وسيب صاحبتك او بنت متعلقة بواحد حب حرام لسه بدري على ما يبقى فيه اي حاجة رسمية حاجة ترضي ربنا سبحانه وتعالى - 00:23:53

يا عم كده ما ينفعش انت كده بتضيع قلبك انت كده بتهلك في مشاعر بيقول لك انا مش قادر اسيبها ازي؟ مش قادر مش قادر اسيب الزنب بيشرب سجاير ولا بيشرب مخدرات مش قادر بيطل مش قادر يسيب - 00:24:03

العالم قال للراجل قاتل مائة ده قال له حاجة غير عادي قال له اترك ارضك سيب كل حاجة طب يقول له يا شيخ طب آآ طب بس طب البيت طب مرادي طب وصحابي طب ارجع بس عارف تقول له يا عم يقول لي بس اصل انا مش هقدر اسيب اصحابي مش هقدر اسيبهم - 00:24:20

الراجل ده قال وانطلق الى ارض كزا قال له انطلق الى ارض كزا فان بها اناس يعبدون الله تعالى بيئه الایمان الصحبة الصالحة تعبد الله معك قال له رح للناس دي الناس الصالحين دي؟ قال له خليك معهم وانت تبكي كوييس - 00:24:38

مجرد وجودك في وسطهم هتتغير لوحدك مجرد ان انت بس تشوفهم كده هتتغير لما تشوف الاخلاق والادب والعبادة والتقوى من اهل الایمان انت نفسك هتقول انا عايز من ده. انت نفسك هتقارن - 00:24:57

هتشوف القديم وهتشوف ده هتشوف صاحبك اللي طول ما انت قاعد معهم غيبة ونميمة وكلام عن البنات وفلانة عملت وفلانة دي ده عمل كزا مع فلانة وده وكلام كله طول ما انت قاعد قاعد تشيل في زنوب - 00:25:16

وتشوف تاني صاحبك الثاني اللي بيكلمك ايه يا ابني ما صحبيتش الفجر ليه يا ابني تعالى ده في درس كزا ايه يا عم انت ما بتصلি�ش ليه واحد صاحبك بيشجعك واحد صاحبك بياخد بيايدك - 00:25:28

واحد صاحبك لما انت بتقع في مشكلة بيقف جنبك هم دول اهل الایمان لما انت بتحس ان انت بعيد انت المشاعر اللي جواك دي انت تتكتسف ان انت تقولها لاي حد من اصحابك القديم. لما تقول له تحس ان انت مقصرا مع ربنا ولا تحس ان انت مخنوقي - 00:25:39

لو قلت حد منهم هيترىق عليك لكن البيئة الصالحة تحس ان هو فاهمك تحس ان انت تقد عدامه تفضفض كده وهو هو حاسس بك هو خايف عليك قلبه عليك هو بيحبك في الله مش عايز منك اي حاجة غير ان انت تبكي كوييس - 00:25:57

فقال له اترك ارضك وروح للبيئة دي. قال له انت مجرد وجودك في وسطهم هتبقي كوييس فالله عليك بالله عليك دور على صحبة صالحة. هتقول لي ما فيش فيه. والله فيه - 00:26:14

انت ما بتدورش ادعى ان ربنا يعينك. هتقدر فترة لوحدك هتقعد فترة لوحدك مش مشكلة ربنا يعينك ويثبتك وده اختبار. وفي الآخر ربنا هيرزقك والله صحبة صالحة اكتر مما تتمنى - 00:26:28

طيب العالم هنا خلص كلامه. قال له نعم من يحول بينك وبين التوبة؟ اترك ارضك. ادى له حل عملي وده من حكمة العالم لما يجي لك واحد انت تدي له حل - 00:26:45

انما ايه مش اي کلام هيتقاول وخلاص مش اي حديس مش اي اية مش هترصد له في الكلام انت قاعد تقول له کلام زي اللي جه للنبي

وقالها ان شرائع الاسلام كثرت عليه. قال له انا قل لي حاجة آآ اعملها انا مش عارف اعمل ايه - 00:27:00
الاسلام فيه حاجات كتير قوي وانا مش فاهم مش عارف اعمل ايه؟ قال له حاجة واحدة بس لا يزال لسانك رطبا من ذكر الله. قال له
اذكر ربنا وفي الحديث الثاني قال قل امنت بالله ثم استقم - 00:27:13

من حكمة العالم ومن حكمة المفتى ان هو ما يرضش اي حاجة كده. يجي لك واحد تبقى انت فاهم اللي جاي لك ده محتاج ايه ما
يدلوش اي حاجة ما تقولوش اي حاجة كده وخلاص - 00:27:29

دلول على الحاجة اللي تعينه ادي له حاجة يقدر يعملها ادي له طريق يمشي عليه فقال له ده الطريق ساعتها بقى دي لحظة
الاختيار دي بتتعدي على كل واحد - 00:27:41

خلينا نتفق ان ربنا سبحانه وتعالى بيعرض على كل واحد فينا التوبة بيعجب لك التوبة وكل واحد بيجي له لحظة كده عارف ان هو
بيعمل حاجة غلط انا عارف ان انا انا كده ماشي غلط - 00:27:59

من حديث ثلاثة اللي كانوا في الغار اللي نزلت عليهم الصخرة واحد منهم بيقول اللهم ان انه كان كانت لي ابنة عم كنت احبها اشد ما
يحب الرجال النساء بناء بنت عمي كنت بحبها حب غير عادي. فروضتها عن نفسها فابت - 00:28:17

طلب ان هو آآ يعمل معه الفاحشة فرفضت ثم اصابتها سنة جاء لها ضائقة مالية عايزه فلوس فراحت تطلب منه فلوس قعدت تلف
فطلبت منه فلوس فقال لها لو جبت لك الفلوس - 00:28:37

الستين دينار كان مبلغ هتوافقني فوافقت فبدأ ينزل مجهد غير عادي عشان يجمع الفلوس فجمع الفلوس وادا لها الفلوس وبيقول لك
حتى اذا كان فجلس منها موضع الرجل من امرأته - 00:28:56

يعني خلاص في وضع جماع واحد قاعد مع مراته اتق الله يا عبد الله ولا تفض الخاتم الا بحق قل فقمت عنها وهي احب الناس
الى الرجال ده عمل حاجة غير عادية - 00:29:14

قام عنها ومش هو كارهها قام في وضع صعب جدا ان الرجال يتمالك شهوته فقمت عنها وهي احب الناس اليه ان دي لحظة اختيار
مجرد ما قالت له اتق الله - 00:29:39

الرجل ده فيه حاجة في قلبه اتحركت ان انت بيجي لك لحظة اختيار العالم قال له على الطريق عايز تتوب مش
انت بتسأل عن التوبة؟ مش انت عايز تتغير؟ قال له ده الطريق - 00:29:55

قال له انطلق الى ارض كذا شف النبي عليه الصلاة والسلام يقول فانطلق تقف كده مع كلمة انطلقت ما قالوش ياشيخ طب ياشيخ
اصل انا هرجع بس اشوف آآ - 00:30:12

العيال والمدام طب اصحابي طب الفلوس بتاعتي طب البيت بتاعي لا لا انطلق فانطلق لو الحديث ده خرجنا منه بكلمتين اترك
وانطلق هنا بقى الاختبار هنا الاستجابة. انطلق فانطلق - 00:30:26

حتى اذا نصف الطريق سرعة الاستجابة وصل لنصف الطريق اتاه ملك الموت طب لو كان اتأخر مازا لو تأخر لو قال له طب هرجع بس.
طب بص ياشيخ هفك - 00:30:50

طب هتوب والله هتوب بس السنة الجاوية طب هالبس الحجاب. هالبس الحجاب والله بس لما اتجوز لما اتخطب هصلبي بس من اول
رمضان يا عم انا عايز اتوب انا عايز انا فعلا عايز اتوب - 00:31:11

بس شوية لما اكبر هو الشيطان عامل له حاجة اسمها طول امل. هو شايف ان هو ايه؟ العمر لسه طويل طب واصحابك اللي ماتوا في
سنك صاحبك اللي مات فجأة وما كانش بيصل - 00:31:26

طب صحبتك اللي ماتت وما كانتش محجة ده ايه انطلق فانطلق فايدة اول لما تحس ان ربنا سبحانه وتعالى فتح لك باب. اول لما
تحس ان انت عرفت الطريق ما تفكريش - 00:31:43

ما تقولوش بكرة عارف ليه؟ لانه والله انت مش ضامن بكرة ربنا سبحانه وتعالى يقول قل ان الموت الذي تفرون منه بتهرب منه فانه
ملاقيكم فجأة كده انقطاع من الدنيا واقبال من الآخرة. فجأة مت خلاص - 00:32:02

الورقة اتسحبت كنت قاعد في امتحان وفجأة الوقت خلص الورقة اتسحبت. طب والله اصل انا بس كنت انا كنت ناوي اكتب خلاص
كت عايز بس كت عايز اكتب خلاص الورقة اتسحبت - 00:32:24

انطلق فانطلق ما تفكريش عايزه تتحجبي خدي خطوة الحجاب ما بتصليش قم صل مش لاقي صحبة ادور على صحبة. خد خطوة
انطلق حتى اذا نصف الطريق اتاه ملك الموت. الرجل ده لو كان اتأخر - 00:32:38

لحزة واحدة زي ما تشوف دلوقتي. لحزة واحدة كان مات وهو قاتل مائة كان هيبي في النار لحظة قرار انت ابتغته ولك حرية كاملة
الله سبحانه وتعالى يقول ونفس وما سواها فالهمها فجورها وتقوها. قد افلح من زاكها - 00:32:58

وقد خاب من دساه انا هديناه السبيل. الطريق واضح. ربنا هداك الطريق. ذلك على الطريق سمى نفسه الهدى انا هديناه السبيل اما
شا克拉 واما كفورا انت باختيارك انت بتختار ربنا وربىك الطريق وحب لك الايمان وسمعك الكلام ده - 00:33:26

لحزة اختيار هتختار ايه حتى اذا ناصف الطريق اتاه ملك الموت نزل عليه ملك الموت وبدأ ينزع روحه الرجل ده عمل
حاجة وهو بيموت يا جماعة بدأت الروح تتشد وحس ان هو روحه بتروح منه - 00:33:49

الرجل ده بدأ يزحف في الارض بيقول لك قال الحسن وقيل انه لما اتاه الموت نأى بصدره وفي رواية فاحتفز بنفسه الرجل ده فضل
يزحف رمى سده ناحية الارض الصالحة - 00:34:12

نهى بصدره نحوها ده يقول لك ان الرجل ده من جواه كان فعلا صادق. كان فعلا عايز يتوب لما حس ان هو خلاص بيموت يا رب انا
عمل اي حاجة عشان اروح لك - 00:34:29

بيزحف بيزحف عشان يروح لربنا سبحانه وتعالى ناهي بصدره نحوه فنزلت ملائكة الرحمة وملائكة العذاب ملك الموت نزع الروح
والروح بتخرج فملائكة الرحمة نازلة بيض الوجوه ملائكة شكلها جميل. معهم كفن من الجنة وريحة من الجنة. وملائكة العذاب نازلة
سود الوجوه. شكلهم يخوف. ومعهم كفن من النار - 00:34:43

اريح من النار وهما الاثنين بيتخانقوا عليه فاختصمت فيه ملائكة الرحمة وملائكة العذاب قالت ملائكة الرحمة والله الكلمة دي تعرفك
الرجل ده كان في قلبه ايه لقد جاء تائبا مقبلا بقلبه الى الله - 00:35:14

لقد جاء تائبا مقبلا بقلبه الى الله. هي دي ملائكة الرحمة نازلة تدافع عن واحد قتل مية نفس هو الرجل ده عمل ايه في
حياته؟ الرجل ده سجد لله سجدة - 00:35:38

صلى تصدق عامل خير في حياته ما عملش اي حاجة ملائكة العذاب بتقول انه لم يفعل خيرا قط ده حبيبي ده بتاعنا نازلة انت
نازلين تاخدوا مين ده ما عملش خير في حياته - 00:35:58

وابليس يفوت اللقطة دي فاتى ابليس عند رأسه وقال انه اسمع لم يعصني في امر قط ده انا عمري ما امرته بحاجة وقال لي لأ
الشيطان جاي فرحان ان هو ضل واحد ان هو دخل واحد النار - 00:36:18

عشان كده الشيطان بيجي يوم القيمة ربنا سبحانه وتعالى يقول يقون يأذن له الله فيقوم خطيبا بالناس يخطب فيقول في سورة
ابراهيم قال ان الله وعدكم وعد الحق وقال الشيطان لما قضي الامر لما قضي الامر اهل الجنة النزلة خلاص دخلة الجنة
واللي دخل النار داخل النار لما قضي الامر - 00:36:36

قال ان الله وعدكم وعد الحق ووعدكم فالخلفتكم وما كان لي عليكم من سلطان. الا ان دعوتكم فاستجبتم ليه عارف انت بيسرك
عارف لما واحد يجي يقول لك يا عم انا - 00:36:59

انا ضيعتك انا لبستك في الحيطة وما لكش عندي حاجة وانا ما كنش اللي انت ما تعرفوش بقى ان ما كانش لي عليك سلطة وما كان
لي عليك من سلطان الا ان دعوتكم - 00:37:19

فاستجبتم لي. انا قلت لك اعمل كذا عملت قلت لك ازني زنبت. قلت لك صاحب صاحبته. قلت لك بص بصيت ما قلتليش لأ. انت
عمرك ما عصيتني. انت كنت ماشي ورايا - 00:37:32

وما كان لي عليكم من سلطان الا ان دعوتكم فاستجبتم لي. فلا تلوموني ولوموا انفسكم ما انا بمصرحكم وما انت بمصرحين لا انا

هندرك ولا انت هتنقزني اني كفرت بما اشركتموني من قبل - 00:37:46
هيجي الشيطان يقف عند رأسه وعايزك تقف مع وقفة ملائكة الرحمة وهي نازلة بتدافع عن واحد قتل نفس واحد
قتل ميت نفس يا جماعة الملائكة نازلة بتقول - 00:38:01
لقد جاء تائبا مقبلا لقلبه الى الله جاء تائبا مقبلا بقلبه الى الله. اندفع عنه تخيل ملائكة الرحمة بتحب التائب وليه ما تحبوش ده الله
سبحانه وتعالى الله يحب التوابين - 00:38:17
الله يفرح بتوبة العبد والله اشد فرحا بتوبة العبد واحد في الصحرا ومعه الدابة بتاعته الجمل ولا الناقة بتاعته وعليها الاكل والشرب
والمنتاع الزاد بتاعته اكل وشرب وفجأة تاهمت بيتص مش لاقيها - 00:38:40
قمة اليأس هموت خلاص فحفر لنفسه حفرة ومستني ان هو مستني يموت يأس ان البتاع ترجع له تاني ان الناقة ترجع له تاني ما
فيش اكل ما فيش شرب. قاعد مستني الموت - 00:39:08
فخلاص شوية نام بيفتح عينه لقى الدابة واقفة وعليها المتأهة فمن فرحته واحد كان هيموت وفجأة انت خلاص هتعيش. واحد كان
محكوم عليه بالاعدام وخلاص وهم بيطروا الحبل على رقبته - 00:39:24
راح واحد جاي قال له لا انت خلاص بريء فكوه فرحة الرجل ده ايه فيبيقول فمن شدة الفرح قال اللهم انت عبدي وانا ربك اخطأ من
شدة الفرح فالنبي عليه الصلاة والسلام يقول - 00:39:45
ان ربنا سبحانه وتعالى يفرح اشد من فرحة العبد ده. يفرح بمين؟ يفرح بك انت يفرح بي انا اللي عملت كل حاجة غلط يفرح بك لو
قررت تتوب يعني ايه تتوب؟ يعني ارجع - 00:40:06
توبه يعني رجوع يعني يوم ما تقرر ان انت تسip الطريق ده ان انت كنت ماشي فيه وترجع ربنا هيفرح بك فازاي ملائكة الرحمة ما
تحبوش ما تحبس التائب لا نازلة تدافع عنه - 00:40:21
طب ما بالك بقى باللي بيقيم الليل ما بالك باللي بيصوم ما بالك باللي بيغض بصره ما بالك باللي بيسيب آاي علاقة حرام عشان ربنا
سبحانه وتعالى يرضي عنه. الملائكة بتحبها ازاى - 00:40:37
الملائكة بتدعى له ازاى؟ ما بالك بيأمر بالمعلوم وينهى عن المنكر الملائكة بتدعى له ازاى؟ ما بالك في اللي قاعد في المسجد اللي
بيصلّي الصلاة على وقتها. اللي بيصلّي في الصف الاول - 00:40:51
الملائكة يوم ما يموت تنزل له ازاى معها كاف من اكفان الجنة وريحة من ريحنة الجنة. ولا يدعونها في يد ملك الموت طرفة عين
بيحبوه مستنبين العبد ده يطلعوا بروحه كده للسماء لحد السماء السابعة - 00:41:06
فالملائكة تقول ايه الريحه دي! ايه الريحه الجميله دي يقولوا له انه فلان ابن فلان باطيب اسمائه التي كان يحب ان ينادي بها في
الدنيا باسم الدلع اللي كان بيحب يتنادي به في الدنيا الملائكة بتحبها. الملائكة عارفاك - 00:41:27
فتخييل واحد قاتل مائة الملائكة نازلة تدافع عنه وملائكة العذاب بتقول انه لم يفعل خيرا قط او عى تكون الشخص ده واحد عمره ما
عمل خير بيستخسر يعمل خير الشيطان بيقول انه لم يعصني في امر قط - 00:41:46
يقول له شمال انا معك اصحابه بيشربوا انا قاعد معهم آا قاعدين انا قاعد معك لا تكون امعة ان احسن ناس احسنت وان اساعوا اسألت
ما تمسيش ورا الشيطان. قال ارأيتك شف الشيطان بيقول ايه ؟ ارأيتك هذا الذي كرمت علي - 00:42:11
لاحتنكن ذريته الا قليل. لاحتنكن يعني اعزكم الله هلبسه ايه؟ اللجام هو مين اللي بيلبس اللجام بيقول له شوف اللي انت كرمته علي
شوف الغل ده انا هلبسه اللجام. هسوقه قدامي زي ما الناس بتسوق البهائم - 00:42:34
شوف هو بيذكر فيك ازاى بيعاملك ازاى ومع ذلك ربنا سبحانه وتعالى يقول افتتخذونه وذريته اولياء من دوني وهم لكم عدو بئس
للظالمين بدلًا بقى ده اللي انت ماشي وراه - 00:42:55
ده اللي هيضيعك بعد عنه تحصن من الشيطان فنزلت ملائكة الرحمة وملائكة العذاب النبي عليه الصلاة والسلام يقول فجعل الله
بينهما حكما ملك على هيئة ادمي صورة انسان. فقال قيسوا ما بين الارضين - 00:43:12

فالى ايتها كان ادنى فهو من اهلها جمالك على صورة انسان قال يا جماعة قيسوا بين الارض دي والارض دي فوجدوه اقرب الى الارض الصالحة بشبر شبر النبي عليه الصلاة والسلام يقول - 00:43:35

لا تحرقن من المعروف شيئا ولو ان تلقى اخاك بوجه طلق ما تحتقرش اي عمل يعني الابتسامة دي النبي عليه الصلاة والسلام بيقول لك ما تحتقرش العمل ده الرجال ده لو اتأخر شبر الشبر ده قد ايه يا جماعة؟ - 00:43:59
الشبر ده قد ايه لو اتأخر شبر كان ضاع كان بقى من اهل النار كانت ملائكة العذاب خدته كان بقى في كفن من اكفان النار شبر واحد
لو قدامك عمل صالح اعمله - 00:44:20

صدقة تصدق ما تقولش يا عم دي صدقة قليلة يا عم تصدق ما تقولش هو يعني الدرس اللي انا هفتحه على اليوتيوب ده هو اللي
هيفرق معى؟ اه ده اللي هيفرق معك - 00:44:41

ده اللي هيفرق معك الحديث اه في الاثر سيدنا ابو موسى الاشعري وهو بيموت جمع ولاده كل شوية هو في غيبة يقوم ويقول لهم
لا تنعوا اذكروا صاحب الرغيف وبعدين يغمى عليه - 00:44:53

ويقوم تاني يقول لهم اذكروا صاحب الرغيف ما تنسوش صاحب الرغيف ببعدين ويغمى عليه لحد لما فاق قالوا له يا ابتي مين
صاحب الرغيف؟ ايه قصته ده؟ فحكى قصة عابد فضل يعبد ربنا سبحانه وتعالى سبعين سنة عبادة صومها - 00:45:12
وكان بينزل كده يجيب ايه؟ يقعد بالسنة كاملة في الصومعة بتاعته يجip الزات بتاعه الاكل فنزل في مرة في السوق فشاف امرأة
فاتنة الجمال. شاف واحدة شديدة الجمال. واحدة حلوة جدا - 00:45:32

اتفتن بها تقضي معها قعد معه سبع ليالي في الحرام سبع ليالي وبعدين فاق تاء لنفسه ففضل يمشي كل مكان في الارض يسجد فيه
سجدة ويدعى ان ربنا يغفر له - 00:45:45

لحد لما راح فلقى ناس آآ قاعدين كده ناس غلابة رهبان آآ فقراء تلتاشر واحد وفيه راجل بيجي كل يوم يديهم تلتاشر رغيف كل
واحد رغيف فرمى نفسه في وسطهم قعد في وسطهم - 00:46:08

فالراجل اللي جاي بيوزع الاكل بيوزع واحد اتنين ثلاثة اربعة فوزع التلاتاشر رغيف فصاحبنا خد وفيه واحد من اللي متعدود ياخد كل
يوم ما خدش رغيف فالراجل اللي ما خدش ده راح للراجل اللي بيوزع - 00:46:26

اللي بيعمل خير قال له انا ما خدتتش فال الثاني قال له والله انا اديت انا موزع التلاتاشر رغيف بتوع كل يوم ما هو مش عارف ان فيه
حد زيادة الراجل الراهب ده صاحبنا ده - 00:46:41

قاعد سامح الحوار وهو تعban مجهد بالغ به من التعب ما الله به اعلم فهو بيسمع كده فرمى لهم الرغيف رمى الرجل الرغيف ومات
عرض على ربنا سبحانه وتعالى يوم القيمة - 00:46:54

وعرضوا على ربكم صفا لقد جئتمونا كما خلقناكم اول مرة ووضع الكتاب حساب ميزان يا ويلتنا ما لهذا الكتاب لا يغادر صغيرة ولا
كبيرة الا احصاها ووجدوا ما عملوا حاضرا - 00:47:18

ولا يظلم ربكم احدا في اليوم ده يوم تبلى السرائر اللي كان مستخبي هيظهر او اقف كده بين يدي الله ميزان فوازنوا السبعين سنة
العبادة مع السبع ليالي اللي في الحرام - 00:47:42

بطاطة السبعين سنة سبع ليالي ضيعوا السبعين سنة عبادة. دي مع دي تبقى له الرخيص فنجا اللي نجاه ايه؟ رغيف شبر لا تحرقن من
المعروف شيئا الخطوة الصغيرة اللي انت شايفها صغيرة دي ما تستقلهاش - 00:48:05

ان انا اسمع درس انزل بس في المسجد اقول لهم انا عايز بس اتعلم تجويد عايز ابدأ احفظ قرآن انا هظبط بس لبس شوية هوسع
لبسي الخطوة اللي انت بتاخدها دي - 00:48:34

الشفا قليلة احنا عندنا مفهوم ان انا يا اما اعمل احسن حاجة يا اما ما اعملش خالص مين قال كده خد خطوة الله سبحانه وتعالى
يقول في الحديث القديسي من تقرب الي شبر شبر بس تقربت اليه ذراع - 00:48:45

انت بتتقرب على قدرك والله سبحانه وتعالى يتقرب على قدره قربت اليه ذراع ومن اتاني يمشي اتيته هرولة خد خطوة ما تستقلش

بالشبر ده في رواية تانية من روایات الحدیس - 00:49:02

شف رحمة ربنا سبحانه وتعالى بصلوا يا جماعة الرجال ده عمل ايه؟ قتل ميتبني ادم قتل ميتبني ادم عمل ذنب من اعظم الذنوب
كبيرة من اكبر الكبائر ومع ذلك - 00:49:24

قاعدة تاخدها من الحديث ده مهما كان ذنبك مهما كان ذنبك ايها تظن ان ذنبك ده اكبر من رحمة ربنا ايها في يوم من الايام تيأس
وتقول ربنا مش هيغفر لي - 00:49:38

الاية لما ربنا سبحانه وتعالى قال ولا تلقو بآيديكم إلى التهلكة لما تفكروا في معنى الآية أه طبيعى أن أنا يعني أه ما امتنع نفسى ما
ارمىش نفسى في التهلكة يعني - 00:49:55

ما ضيعش آآ نفسى كده واحد من السلف فسر الآية قال هو الرجل يذنب فيتوب ثم يرجع فيتوب ثم يرجع فيقول والله لا يغفر الله لي
واحد عمل ذنب وبعدين رجع - 00:50:07

تاب قال يا رب أنا مش هعمل الذنب ده تاني وبعدين نفسه غلبه الشيطان غلبه أه وقع تاني فقال يا رب أنا تبت رجعت فوق تالت
فالشيطان بيأسه قال أنا ما فيش فيه امل - 00:50:33

فقالوا والله لا يغفر الله لي. قال هي دي التهلكة ان احساسك ان ذنبك اصلا اعزم من رحمة ربنا سبحانه وتعالى ده اصلا اعزم من ذنبك.
ان انت تظن ان ربنا سبحانه وتعالى مش هيغفر لك. ده اعزم من الذنب بتاعك - 00:50:54

فاياك تفتكر ان مهما الذنب بتاعك كبر ان ربنا مش هيحمله برحمته مش هيغفر لك ربنا سبحانه وتعالى يقول في الحديث القدسي يا
ابن ادم اسمع يا ابن ادم انك ما دعوتي ورجوتي غفرت لك على ما كان فيك - 00:51:13

ولا ابالي غفرت لك على ما كان فيك ولا ابالي. يا ابن ادم لو بلغت ذنبك عنان السماء لو عامل ذنبك بين الارض للسماء ثم استغفرتني
غفرت لك ولا ابالي. يا ابن ادم لو جئتني بقرب الارض خطايا - 00:51:34

ثم لقيتني لا تشرك بي شيئاً لجئتك بقربها مغفرة ربنا سبحانه وتعالى عشان عبد قتل ميت نفس روایات من روایات النبي
عليه الصلاة والسلام يقول فاوحي الله الى هذه - 00:51:54

يعني الى ارض المعصية انت بعدى والى هذه ان تقربى ربنا بغير الكون عشان ده انت بتبقى مستبعد ان ربنا يعني يغفر لك ان ربنا
يرحmk بتبقى بتدعى ومستحرق نفسك شايف انت - 00:52:12

لأ أنا طب ادعى لي انت يا عم ما تدعى لنفسك ده قاتل مائة قاتل مائة ربنا غير عشانه الارض او حى الله الارض انت بعدى وارض
الطاعة تقرب عشان ده - 00:52:41

عمل ايه جاء تائباً مقبلاً بقلبه الى الله قلبك يعني في واحد كل الناس بتدعى انا عايز اتوب بس هو من جواه كزاب هو من جواه
وهو من جواه - 00:52:59

خد بالك ربنا مطلع ربنا شايف اللي في قلبك يعني في واحد كل الناس بتدعى انا عايز اتوب بس هو من جواه كزاب هو من جواه
ما عندوش اي استعداد يسيب. عارف اترك دي؟ لأن مش عندي - 00:53:14

انا عايز اتوب وعايز اتغير بس زي ما انا مش هتتجي ربنا سبحانه وتعالى يقول احسب الناس ان يتربكوا ان يقولوا امنا وهم لا يفتنون
في اختبار الصدق ولقد فتنا الذين من قبلهم فليعلمون الله الذين صدقوا - 00:53:32

وليعلمون الكاذبين الرجال ده كان صادق يا جماعة قيل انه لما اتاه الموت نأى بصدره اقصى حاجة ممك اعملها يا رب عملتها في ناس
بتعرف طريق ربنا ب يعرفها وبيعرض عن طريق بمزاجه - 00:53:57

في واحد تاني مستبني بس اشارة شارة حد بس يدلله على الطريق هو مش مستبني حاجة هو مش مستبني ان انت تقول له بطل يسمع
اغاني مش مستبني انت تقول له انزل صلي في المسجد - 00:54:25

مش مستبني ان انت تقول لها يا بنتي البسي حجابك صح مش مستبني الكلام ده وهو جواه حاجة اتغيرت المعاصي والذنوب والحياة
البعد عن ربنا فيه شوق في خنقة في ضيق - 00:54:40

هو جواه حاجة كده ايه اتفيرت انا ما عدتش عايز ارجع زي الاول خلاص فمش مستني اي حد يقول له حاجة. هو بس مستبني
اشارة. حد يقول له بص الطريق من هنا - 00:54:59

هو خلاص كده ربنا يا رب يجعلنا منهم تاني عد كده فواید الحديس اول حاجة ان ربنا سبحانه وتعالى حب لعبد قتل ميت نفس
التوبة عرضت له التوبة. عرضت له التوبة - 00:55:15

تاني حاجة فسأل استجابة سرعة الاستجابة لما ربنا يحب لك التوبة استجيب بسرعة ما تقولش بكرة متجلس استمر
دوس تالت حاجة ان الراهب قلة العلم خليته يضيع بيأسه - 00:55:35

ان هو رايح يعمل التوبة من الزنب وهو رايح يتوب من القتل قتل وقع في نفس الزنب مهما وقعت في نفس الزنب اياك تيأس الرجل
ده كان ممكن يقول خلاص - 00:55:56

لا لا ثم عرضت له التوبة فسأل تاني عن اعلى ما في الارض وتيجي العالم وجواب العالم الحكيم وقال له من يحول بينك وبين التوبة؟
من اللي يمنعك عن التوبة؟ ما تخليش اي حاجة تقف بينك وبين ربنا سبحانه وتعالى - 00:56:10

ما تخليش حاجة تحجزك عن ربنا ولكن اترك ارضك سبب البيئة بعد عن البيئة السيئة. دور على صحة صالحة دور على مكان انت
ايمانك فيه يزيد ما تروحش الاماكن اللي وانت انت فيها سهل ان انت ترجع للمعصية. تحن للزنب - 00:56:27

وبعدين قال الرجل ده انطلق سرعة الاستجابة الصدق في التوبة انا فعلًا عايز اتغير انا مستعد اعمل اي حاجة لو كان رجع للبلد تاني
لحزة واحدة بس وتأخر كان زمانه مات على المعصية - 00:56:47

وبعدين ملائكة الرحمة وحبهم للعبد وحب ربنا سبحانه وتعالى للعبد التائب والشيطان وملائكة العذاب وملائكة العزاب وهي ازاي
منتظرة اليوم اللي هي تقبض فيه روح العبد العاصي ده وبعدين رحمة ربنا سبحانه وتعالى - 00:57:06

وبعدين الرجل وهو بيعاشر على الارض تخيل المنظر ده. بيموت وخلاص وروحه بتتشد وهو بيعاشر عشان يوصل للارض الصالحة
وازاي ربنا يغير عشانه نواميس الكون؟ يغير عشانه الارض بالله عليك ايه اللي يمنعك عن التوبة؟ - 00:57:31

خلي النهاردة ده يوم توبة. يوم النهاردة انا عايز اتغير انا لازم اتغير توبة نصوح ما تأجلش ما تقولش بكرة خد خطوة تقرب الى الله.
الشبر فرق معه لو كان اتأخر شبر كان ضاع الشبر فرق معك - 00:57:47

ده يعني وقفات كده مع حديث نبی وحديث جميل جدا ربنا يا رب يجعلنا من التوابين اللهم تقبل توبتنا. اللهم تب علينا لنتوب اللهم
تب علينا لنتوب اللهم تب علينا لنتوب - 00:58:06

اللهم تقبل توبتنا اللهم توفنا وانت راض عنا اللهم انك عفو كريم تحب العفو فاعف عننا اللهم اعنا على ذكرك وشكرك وحسن عبادتك
اللهم حب الينا الایمان وزينه في قلوبنا - 00:58:24

وكره الينا الكفر والفسق والعصيان اللهم اقسم لنا من خشيتك ما تحول به بيننا وبين معصيتك ومن طاعتكم ما تبلغنا به جنتكم ومن
اليقين ما تهون به علينا مصابب الدنيا - 00:58:43

ومتعنا باسماعنا وابصارنا وقواتنا ابدا ما احييتنا واجعله الوارث منا واجعل ثأرنا على من ظلمنا وانصرنا على من عادانا ولا تجعل
مصيبتنا في ديننا ولا تجعل الدنيا اكبر همنا ولا مبلغ علمنا - 00:58:59

ولا الى النار مصيرنا واجعل الجنة هي دارنا ربنا يتقبل منا انك انت السميع العليم وتب علينا انك انت التواب الرحيم هذا وصلى الله
 وسلم على نبینا محمد سبحانک اللهم وبحمدک اشهد ان لا اله الا انت استغفرک واتوب اليک. السلام عليکم ورحمة الله وبرکاته -
00:59:16